



Kargad·ez a gehentiñ - kevrat verrbad leun amzer (liammet ouzh un ehan mammelezh)

Kinnig labour embannet d'an / ar jeudi 25 avril 2024

Lec'h : **Landerne (29) ha/pe pellabour**

Doare post **CDD** H/F

Padelezh **Betek fin miz Gwengolo 2024**

Kerkent ha posubl

Kinnigadenn ar post-labour

Barrek oc'h war ar c'hehentiñ, al lec'hiennoù. Gouzout a rit komz ha skrivañ e brezhoneg. Diwan a ginnig deoc'h ur post.

Ur rouedad skolioù kevredigezhel, laik, digoust ha digor d'an holl ez eo Diwan. Hiziv an deiz ez eo ar sistem kelenn nemetañ a ginnig deskiñ brezhoneg er skol dre soubidigezh. Krouet e 1977 ez eus 4014 bugel skoliataet bremañ e 46 skol, 6 skolaj ha 2 lise, staliet war 5 departamant Breizh.

Emaomp o klask war-lerc'h un den a vefe dibres kerkent evit erlec'hiañ ur c'hopradez e-pad un ehan mammelezh.

Staliet e servijoù ar rouedad e Landerne kentoc'h (pellabour posubl), e kenlabouroc'h gant ar renerezh ha burev ar c'huzul-merañ evit :

Merañ lec'hienn internet hag intranet Diwan : produiñ ha freskaat danvez, talvoudekaat an danvez a zo, lizher kelaouiñ, renabl pennadoù keleier, kinnigoù labour, skignañ teuliadoù ha kement 'zo ;
Ober war-dro ha buheziñ ar rouedadoù sokial ;
Skoazellañ tud ar vugale, ar renerien-ezed hag ar sekretourien-ezed d'ober gant modul enskrivañ ar vugale enlinenn, ha merañ an ostilh ;
Harpañ evit an darempredoù gant ar c'hazetennoù (skrivañ kemennadennoù hag aozañ emvodoù kelaouiñ) hag aozañ emgavioù ar rouedad.

Afer 'zo bezañ dibres diouzh noz pe d'ar Sadorn bep an amzer.

Skiant-prenet ha barregzhioù goulennet

Evit tapout ar post e vefe mat...

Ho pefe graet **ur stummadur meur goude ar vachelouriezh** ha bezañ studiet ar c'helaouiñ hag ho pefe **2 vloaz skiant-prenet vicherel** da nebeutañ.

Evel-just eo ret deoc'h **mestroniañ ar brezhoneg** kenkoulz dre skrid ha dre gomz evit bezañ dibabet (live B2).

Youlek, emren ha gouest da gaout darempredoù ha da skrivañ gant aezamant, e vioc'h en ho pleud gant implij ar rouedadoù sokial ha sevel kemennadennoù d'ar gazetennerien ha d'ar c'hazetennered.

Ma 'z oc'h dedennet gant ar post, trugarez da gas ho CV hag ho lizher emginnig da **tuta@diwan.bzh** a-raok an 10 a viz Mae 2024.

Sellout ouzh ar c'hinnig : <https://www.diwan.bzh/br/offres-emplois/charge-e-de-communication-cdd-a-temps-plein-replacement-conge-maternite-250420240938>